

Middeleeuwsche Rechtsbronnen van GORINCHEM.

Utrecht 1940

Middeleeuwsche Rechtsbronnen van Gorinchem,
Utrecht 1940Oude vaderl.
rechtsbronnen 127, 61.17v = 1517.

212

dat niet en doet sal verbueren ij r.gulden, half den heer, half *der stat* [E die schout].

Marg.: xix, xxij.

GK f° 63.

N° 30f.

D Overdragen bij den heer ende gherecht, dat nyemont, wy hij is, bynen der stadt enige honden houden en sal, op die verburnisse van x st., halff die heer ende halff diegen die se bekuert.

Marg.: X.

GK f° 93.

N° 31.

A Van up dat observanten cloester niet te caetsen noch na die spreuwen off ander vogel niet te scieten noch te werpen.

Item overdragen, dat nyemont in dat observanten cloester werpen noch scieten en sal nae spreuwen of nae ander vogel noch nergent nae. Ende nyemont en sal up dat voirsr. cloester caetsen, op die boet van enen nobel, half den heer half der stat [E ende diergelijck die kercken].

Marg.: anno xvij, xvijj, xix, xx, xxj, xxij.

GK f° 37.

N° 32a.

A Van dat men gheen edel voghel vangen noch scieten en sall.

Item soe en sal nyemont, hij is wie hij is, gheenrehande patrijsen, velthoenres, reyghers [*noch swanen noch duven*] noch gheenrehande edel voghel scieten noch vangen, up die boet van enen nobel, half den heer ende halff der *stat* [E schout].

Ende nyemont en sal hazen noch coninen vangen noch scieten en sal(!) up die boet voirsr., noch nyemont en sall gheenrehande swaneyer soeken [B off jagen] in den bosem ende diarontrent off erghent dair swanen nestelen, up die boet voirsr. [E noch mit gheen vogelhonden].

Ende soe wie bevonden wordt [B off was] mitter wairheit, dat hij die conijn in den hage off ergent anders in den lande van Arkell jaet of vangt in enige manieren, die sal verbueren ii lb. groet tot behoeff sheren [B *noch niemant sal duyven vangen noch scieten* up die bote vorss.].

B Ende off yemont in desen gebreekelijk bevonden worde, sal gehouden sijn bij sinen eede off bij goeden condon wairmaken dat sij in den lande van Arkel tselve niet gedaen en hadden.

Noch niemont en sal in den bosam noch nergent daer zwanen broden, mit bogen off mit bussen scieten noch mit honden jagen, up die verburse van xij r. gulden.

*Marg.: anno xvij, xviii, xix, xx, xxj, xxiiij.
GK f° 37; AK 66'. Het laatste stukje ontbreekt bij AK,
misschien wel wegens het zeer slechte schrift.*

N° 32b.

D Overdragen bij den heer ende gherecht, dat nyemont die hier ter merckt comen myt hassen, connijnen, partrijssen, besanen of van diergelijcken edel vogel, dat dieselve die myt alsulcke goede ter merct compt, dat die myt haren ede houden sullen, waer dat die voers. goede gevangen sijn, op die verburnisse van xx st., halff die heer [E schout], halff die *stadt* [boeden].

E alsoe verre als men thegert.

*Marg.: xix, xx, xxj.
GK f° 37'.*

N° 33a.

→ A Van den caetsen upten raethuuse, van den bal te werpen ende te kolven upter straten, van oyvairs te scieten, van upten kerchove te scieten ende van na den noten ende ekelen te werpen upten kerchove.

Item overdragen bij den heer ende gherecht, dat men voirtaen niet meer caetsen noch gheenrehande spul bedriven upten raethuuse. Ende wairt datter yemont upten voirscr. huuse caetse of ander spull

medecum rechtbanken van Gorinchem

1662, 1670

oud. medel
rechtbanken
##, 8

214

dede, of oec daer onreynheit up dede off enige onredelike ondaft dairup dede, dat sall sijn up die boet van enen ponde, half den heer ende half *der stat* [E die schout]. Ende wairt dat die jongen deden, men salt den ouders affnemen, ende die jonge dairtoe geesselen. Off die enige ondaft in die scole off aen die scole bedriven, sullen verbueren iij rgulden, half den heer half *der stat* [E schout]; doet die jonge, men salt den ouden afnemen.

¹⁵⁰⁰
Marg.: anno ¹⁵⁰⁰xvij, xviii, xix, xx, xxj.

A Item overdragen bij den heer ende gerecht, dat nyemont upten kerkhove scieten en sall mit ghenen boghen [A off bussen] ende nyemont en sall nae noten noch na ekelen werpen up die boet van enen ponde, halff den heer ende halff *der stat* [E schout], noch nerghent in der stede en sal men mit boghen scieten [A off bussen] up die boet voirser.; nocht geen cleder opspreyen noch bleyken en sal up die boet van den clederen altemael.

Marg.: xix, xx, xxj.

A Item en sal men gheen oyvairs scieten binnen der stede van Gorinchem up die boet van enen ponde, halff den heer halff *der stat* [E die schout].

→ Ende oeck en sal men mit ghenen ballen werpen noch mit cloten[†] scieten, noch mit kolven slaen upter straten noch upten kerchove. Oeck en sal nyemont snee vloeken up die boete voirser. Ende doent die jonghen, men salt den ouders affnemen. Ende die se van den boden becueren die sal dat dorde deel hebben.

¹⁵⁰⁰
Marg.: ¹⁵⁰⁰xvij, xix, xxj.

A Item en sal men up dat gasthuus noch up die cappel scieten noch smacken noch in dat gasthuus spuelen, noch geenrehande boeverie noch spul doen, up die boet van enen pond, halff den heer halff *der stat* [E die scout].

Ende sullen die boden dat dordeel hebben. [B ende doent die jongen, men salt den ouden affhalen].

Marg.: xviii, xix, xxj.

B Item gheen kynde, wye sij ^{a)} in der kerken noch in gheen godshuisen gerucht maken en sal up die boete van x st. half den here ende die ander den *beyligen sacrament* [E boden].

Marg.: xviii, xix.

B Noch uyemont en sal voor gheen ghestelick k.... ^{b)} caten noch ghenderley spel(?) doen up die..... (afgesneden).

GK f° 41.

N° 33b.

→ B Overdragen bij den heer gericht dat nyemont, out noch jonck, upten kerkhoff noch opt merckvelt werpen en sal met stenen, mit hout noch mit ballen, noch mit ghenderhande dreck werpen en sal in die gelasen noch up dat merthuis noch up die kerk, up die verburnisse van v st., ende die gelasen opt raethuis ende in der kerken te doen maken buyten der stede ende der kerken cost; dairaff sal mogen bekueren scepen yemont van den rade off een gesworen bode, die een helft die here ende die ander die stadt. Ende doent die jongen, men salt den ouden affnemen.

Marg.: anno xvij, xviii, xix, xxj, xxiiij.

GK f° 41'.

N° 33c.

→ A Item overdragen bij den heer ende gerecht, dat nyemont *die boven sijn xij jairen is*, den ball slaen off werpen sullen noch oeck niet sneevlocken en sullen upter straten noch upt merckvelt noch upt kerkhoff noch nergens, op die boet van enen ponde tot behoef den heer ende *der stat* [E die schout]. Ende dedent die jongen, men salt den ouders afnemen.

Marg.: xvij, xviii, xix, xxij. X.

GK f° 46'.

a) *hs wij sijn sij.*

b) Lees: caetsen?

N^o 33d.

A Van bij der stede bussen niet te comen ende van aen der stede toirnen ende mueren genen scade te doen ende van upt raethuus te spelen ende ander onsedicheit.

Item overdraghen bij den heer ende gherecht, dat nyemont, hij is wie hij is, jonck noch oudt, der stede bussen, hoedanich die sijn moghen, aentasten noch porren en sall [D desgelicx in der graft van den slotte ende tolhuys], noch gheen dinghen breken die van der stat weghen ghemaect sijn off ghemaect sullen worden, noch in gheenrehande manieren enighen steen van der stede mueren ofte toirnen breken, worpen, stoten noch draghen en sullen, noch in der stede graften [E ofte in der graft van den sloete] werpen en sullen, noch upten raethuyse gheenrehande manier van spul doen, tsij toll-drijven, caetsen off enich ander spul off enich ander onsedicheit, noch in der kercken off in den gasthuysse, up een boet van *enen ponde* [E xxx st.], halff den heer, half der stat, alsoe dick als sij dairaff becoirt worden. Ende wairt saeck dat die jonghen doen, men salt den ouderen affnemen.

Marg.: Anno xvij, xviii, xix, xxij.

GK f^o 50; AK f^o 67 (*eenige zinsneden ontbrekend*).

N^o 34a.

1515 Jan. 12.

B Datum den xijen in Januario anno xv.

Overdragen bij den heer ende gericht, dat nyemant, hij sij wie hij sij, mit terlingen dobbelen [varen? noch passen] en sal, noch mommen en sal, *noch fluysen, mitten quaert spillen ende ticktacken*, noch mit ghenen diergelijken spelen noch hutsen noch aenbecken dan drie dagen tot vastellavont^{a)} totten Sondach, Manendach ende Dijnsdach, soe sal men mogen mommen, up die verburnissen van ij lb groet vlaems, dat een dordel die heer, dat ander die scout, dat dorde dordel die stadt. Ende dit sal men mogen betugen mit twee getuygen.

Marg.: *doorgestr.*

GK f^o 55'

a) ms vastellant.

N^o 34b.

A Overdragen bij den heer ende gerecht, dat nu voirtaen nyemont, wie hij is, out noch jone, vrou noch man, enaep noch macht, na ix uren up die straet danssen, reyen noch spelen, singen noch springen en sal, noch gheenrehande quaet remoer van krijten, van roepen, van bongen slaen, van smacken noch van smiten in gheenre manieren hoe dat wesen mach, also wel in den herbergen als upter straten doen noch doen doen en sal, up die boet van enen rijngulden, half tot behoeff den heer ende dander halft tot behoef der kercken, [B van also dick als zij dairaff becoert worden, dat yement van den heer, sheren dienres off wekers becoert worden, ende dat diegeen die also becoirt wair den heer, sheren dienres off wekers quade worden gave, dit soude wesen op die boete van ij r. galden als boven [correcxiën van scepenen].

Marg.: X.

GK f^o 61.N^o 34c.

→ a) Item overdragen dat nyemont, hij zij wie hij zij, bij den cloestre van den oservanten kaetssen noch olyen en sal noch geenrehande geruht bedrijven en sal, op die boete van thien stuver also dicke als sij dairaff becoirt worden off overtuycht. Dedent die jongen, men soudent die anders affnemen.

Marg.: X.

GK f^o 63'.N^o 34d.

A Overdragen bij den heer ende gerecht, dat men nu voirtaen in die tolhuusplaets, noch voir dat hoff, noch upt meretvelt, noch upt kerckhoff, noch up ghenen plaetsse [E noch die straet upte graven, noch op die craenplaetsse] in die stede om ghelt koten, noch gheenrehande ander boeverij om ghelt, noch geen wedingen in die boeverie off koterije doen up die verbuernisse van vijff stuver, die drie tot behoeff der stat [E boden], die twee die dat aenbrengen,

a) Zelfde hand als n^o 76b.